



UNIVERSITÄTS-
BIBLIOTHEK
PADERBORN

Antiquae Lectionis Tomus ...

In Qvo Plvra Qvam XX. Antiqua monumenta, nunquam edita

Canisius, Heinrich

Ingolstadii, 1602

Caput 31 [i. e. 13]. Hebræis.

[urn:nbn:de:hbz:466:1-64160](https://nbn-resolving.org/urn:nbn:de:hbz:466:1-64160)

Vnde & vniuersa gens illa nomine Iudæorum est vocata. Post quem Abia annis VIII. Post quem Asa annis XLI. Latinorum Ægyptius Siluius annis XXII. Latinorum octauus Capis Siluius annis XXVI. Hebræorum Iuda Iosaphat annis XXV. Prophetabant in Hebræis tunc Abdias, Hieü, Ozias, Michæas. Latinorum nonus, Carpentus Siluius annis XIII. Hebræorum Iuda (g Ioram) annis octo. Post quem Ochozias anno vno, Post quem Godolia mater annis VII. Post quam Ios annis XL. Latinorum tunc post Carpentum, Tyberinus annis octo. Post XI. Agrippa Siluius annis XL. Ioiade apud Hebræos insignissimus Pontifex erat, Qui solus post Moysen vixit annis CXXX. Hebræorum Iuda Amasias annis XXI. Hebræorum Israël Ios in tempore Ioram. Ipse fuit septimus in Iuda, regnavit annis VII. In cuius tempore prophetabat Elias. In tempore Ios Regis Heliseus moritur. Zacharias propheta à Ios Rege interficitur. Hebræorum Iuda Amasias XI. regnavit annis XXI.

g. hæc vox in
vtroque m. f.
exciderat

Cap. 12.
De regibus
Latinorum.

LATINORVM duodecimus Aremolus Siluius annis XXI. Post quem tertius decimus Auentinus Siluius annis XXXVI. In tempore Arcmoli superioris ipse Siluius Aremolus siue Remolus Agrippæ superioris regis filius præsidium Albanorum inter montes, vbi nunc Roma est posuit. Ab impietate postea fulminatus interiit.

Cap. 31.
Hebræis.

HEBRÆORVM Israël secundus Nadab annis duobus. Post quem tertius Baasa annis viginti quatuor. Post quem Hela annis septem. Post quem Ambri annis duodecim. Post eum annis XXVIII. In tempore Achab prophetabat Helias. Post Ioram Iehu annis XXVIII. Post Iehu Achab annis XVI.

Iulius